

De Mundart-Wettbewerb

Unser Dorf des is weit bekannt,
durchs Lied vum "Dannstadter Gutselstand"
bei uns stimmt alles, a kulturell
mer henn 5 Gsangsvereine un a Bloskapell.
In Sportvereine kansch alle Sportarte treibe
wer des net will, der loßt´s halt bleiwe.
Mer henn 3 Kinnergärten, Spielplätz un 4 Kersche,
in Karnevalverein fer die Dannstadter närrsche,
in Heimat-un Kulturverein, in Verein fer aktive Reiter
un so weider un so weider.
Doch jetzt alls vorerscht letschte Clou
kummt de Mundart-Wettbewerb dezu
de Daschauer Gemeene-Rat, der war sich klar:
was Bockerem kann, kann Dannstadt a.
De Goethe im Himmel dut es sichtlich geniese
wie uff de Dannstadter Heh die Dichter ausem Bode spriese,
un newedro de Schillers Fritz
würd zu Goethe sage, so ganz spitz:
wann ich do unne die Gedichte herdenk ich,
die sinn bald so gut wie mer.
Un käm als dritter ich noch dezu
wers aus mit ehre himmlische Ruh
ich würd dann zu Goethe un Schiller sage,
gell die Dannstadter Konkurrenz liegt eich schwer im Mage!
A ich als Poet, des sag ich eich glei
war beim erschte Mundart-Wettbewerb debei;
un mein Wunsch, er soll noch lange Johr besteh
De Mundart-Wettbewerb uff de Dannstadter Heh.